


Adolesan yo ak Rale Vapè: Kisa Risk yo Ye?

Sigarèt elektwonik (e-cigarettes) ak aparèy pou rale vapè yo vini sou plizyè fòm, men yo tout chofe likid yo rele e-likid fè l tounen spre ayewosòl. E-likid yo anjeneral gen nikotin, gou ak lòt pwodui chimik ladan yo.

Lòt non sigarèt elektwonik yo genyen se vape, vape pens, e-cigs oswa e-hookahs. Konpayi sigarèt elektwonik yo itilize trik tankou anbalaj ki atire moun, awòm ak kanpay piblisite pou fè sigarèt elektwonik yo sanble san danje, men se pa vre.



❑ Sigarèt elektwonik anjeneral gen nikotin.

- Nikotin kreye depandans, sitou pou adolesan.
- Nikotin kapab afekte memwa ak konsantrasyon yon adolesan, epi li ka diminye kapasite pou aprann.
- Pifò dòz sigarèt elektwonik yo ka gen menm kantite nikotin ak yon pake sigarèt oswa plis.



❑ Rale vapè ka lakòz blesi nan poumon ak afekte sante poumon nan lòt fason.

❑ Ayewosòl ki soti nan e-likid ki chofe yo ka genyen pwodui chimik ki danjere tankou:

- Fòmaldèyid yon pwodui chimik ki lakòz kansè
- Benzèn yon pwodui chimik ki lakòz kansè
- Diacetyl soti nan awòm ki te lye ak maladi poumon
- Metal lou tankou nikèl, eten ak plon



❑ Engredyan E-likid yo pa byen reglemante, ak efè sante alontèm yo enkonni.

❑ Gen moun ki anpwazonnen lè yo vale e-likid oswa lè li tonbe sou po yo oswa antre nan je yo.

❑ Sigarèt elektwonik yo danjere pou anviwònman an epi yo ka gen ladan fatra plastik, elektwonik ak dechè ki ka danjere.



Ou bezwen èd pou kite rale vapè? Voye **DROPTHEVAPE** nan mesaj tèks bay **88709** gratis, 24/24, 7/7 ak sipò konfidansyèl. Pou jwenn plis enfòmasyon, ale sou **nyc.gov/health** epi chèche "e-cigarettes" (sigarèt elektwonik).



nyc.gov/health 🔍 "e-cigarettes" (sigarèt elektwonik)

